

1241

BOS

15/20



Politička organizacija građana "Naša stranka"
Braničeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Bosna i Hercegovina
Federacija Bosne i Hercegovine
KANTON SARAJEVO

PRIMLJENCI:	23.10.2017		
Organizaciona jedinica	Klasifikaciona oznaka	Redni broj	Broj priloga
01			

Predrag Kojović
Zastupnik u Skupštini Kantona Sarajevo

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
Skupština Kantona Sarajevo
n/r Ana Babić, predsjedavajuća

Sarajevo, 23.10.2017.

**PREDMET: AMANDMANI NA ZAKON O NABAVLJANJU, DRŽANJU I NOŠENJU
ORUŽJA I MUNICIJE KANTONA SARAJEVO**

Poštovani/a,

Pozivajući se na članove 151. i 152. Poslovnika Skupštine Kantona Sarajevo („Službene novine Kantona Sarajevo“ broj 41/12, 15/13, 47/13, 47/15 i 48/16) dostavljam amandmane na Zakon o nabavljanju, držanju i nošenju oružja i municije Kantona Sarajevo:

AMANDMAN I

„U članu 6. stavu 1 tački c) dodaje se nova alineja 8) koja glasi:

8) električni paralizatori snage iznad 10 000 V

U istom članu i stavu, u tački d) i alineji 1) nakon riječi „paralizatori“ dodaju se riječi „snage ispod 10 000 V“.

OBRAZLOŽENJE:

Smatramo da izmjenama u tačkama c) i d) postavljamo EU standarde za dozvoljene električne paralizatore prema Uredbi komisije za implementaciju (EU) broj 1352/2011 (Zvanični žurnal Evropske unije br. L 338/31) gdje se električni paralizatori u svrhu kontrole nereda i samoodbrane definišu kao naprave koje „uključuju ali se ne ograničavaju... na prenosive elektrošok naprave koje ne prelaze snagu od 10 000 V“. Obzirom da je cilj ovih tačaka omogućivanje posjedovanja električnih paralizatora koji se ne moraju prijaviti nadležnom organu, smatramo kako je ipak potrebna dodatna kontrola kako bi se smanjila mogućnost zloupotrebe opasnih električnih naprava za ovu svrhu. Ovim amandmanom će se omogućiti i zakonski okvir za uključivanje nadležnih organa u kontrolu proizvodnje, uvoza i izvoza pomenutih naprava. Napon se ograničava u svrhu minimiziranja štetnih posljedica u odnosu na opasnost ili prijetnju po onome ko koristi paralizator.

AMANDMAN II

„U članu 10. stavu (4) tački b) broj „18“ se zamjenjuju sa brojem „21“.

U istom članu i stavu dodaje se nova tačka h) koja glasi:

h) da ima uvjete za siguran smještaj i čuvanje oružja prema ovom članu stavu (10) ovog Zakona.

U istom članu u stavu (7) riječi „ovlaštena je u svako doba provjeriti“ zamjenjuju se riječju „provjerava“.

U istom članu dodaju se novi stavovi (10) i (11) koji glase:

(10) Način smještaja, čuvanja oružja i municije iz stava (4) tačke h) na prijedlog policijskog komesara, propisuje ministar.“

(11) Izuzetno stavu (4) tački b), fizičkom licu se može izdati odobrenje za nabavljanje oružja sa navršenih 18 godina ako je drugim zakonom ili aktom ovlašteno za nabavljanje i držanje oružja, ako je član sportskog streljačkog udruženja koji se aktivno natječe u streljaštvu, ili ako ima položen lovački ispit.

OBRAZLOŽENJE:

Smatramo da je neophodno propisati minimalnu dob od 21 godine za nabavljanje, držanje i nošenje oružja zbog činjenice da će to povećati sigurnost kada su u pitanju fizička lica, jer predložena dob od 18 godina je neprihvatljiva i suviše rana da bi ova lica mogla legalno posjedovati oružje iz kategorija B i C. Uostalom, ovo je praksa u regionu. Također, zakonske odredbe koje faktički omogućavaju srednjoškolcima nošenje oružja su neprihvatljive. Lica od 18 godina bi trebala moći nabavljati oružje isključivo u slučajevima iz stava (11).

Smatramo da je neophodno uvrstiti u uvjete za nabavljanje oružja od strane fizičkih lica i samo čuvanje i smještaj oružja, jer će to povećati sigurnost i time će se izbjegći nesreće kada u kontakt sa oružjem dođu maloljetnici ili osobe koje nisu obučene za rukovanje oružjem.

Također, smatramo da je neophodno da postoji zakonska obaveza nadležnog organa da provjeri daljnje ispunjavanje uvjeta za nabavljanje oružja ukoliko postoji opravdana sumnja za nisu ispunjeni, što sada nije slučaj u tekstu zakona..

AMANDMAN III

„U članu 12. stavu (1) riječi „je ovlašten tražiti i prikupljati“ zamjenjuju se riječima „traži i prikuplja“.

U istom članu stav (2) se mijenja i glasi:

(2) Nadležna policijska uprava je ovlaštena tražiti i prikupljati podatke i informacije od nadležnih organa, ustanova i institucija koji raspolažu traženim podacima, pored podataka iz stava (1) ovog člana koje je traži i prikuplja policijski službenik.“

OBRAZLOŽENJE:

Smatramo da mora postojati zakonska obaveza policijskog službenika da traži i prikuplja informacije o podnosiocu zahtjeva kako bi se povećala sigurnost kada je u pitanju izdavanje dozvola za nabavljanje oružja.

Kada je u pitanju izmjena stava (2), smatramo da u predloženom tekstu zakona ovaj stav nejasan te je potrebno njegov tekst prilagoditi kako bi se lakše tumačio.

AMANDMAN IV

„U članu 13. stavu (1) riječi „šest mjeseci“ zamjenjuju se riječima „tri mjeseca“.

U istom članu u stavu (2) broj „10“ zamjenjuje se brojem „5“.

U istom članu u stavu (3) broj „10“ zamjenjuje se brojem „5“.“

OBRAZLOŽENJE:

Smatramo da je neophodno smanjiti vrijeme od 6 mjeseci na 3 mjeseca kada je riječ o starosti uvjerenja o zdravstvenoj sposobnosti kada je riječ o držanju oružja iz sigurnosnih razloga, usklađivanjem sa Zakonom o policijskim službenicima FBiH kada je riječ o zapošljavanju policijskog službenika koji u slučaju zapošljavanja dobija oružje u sklopu službe, te je ovakva odredba u skladu sa odredbama u regionu.

Također, smatramo da je neophodno smanjiti rok od 10 godina na 5 godina kada je u pitanju važenja uvjerenja o zdravstvenoj sposobnosti jer se time povećava sigurnost kada je u pitanju izdavanje dozvole za držanje i nošenje oružja, a ista je praksa u regionu.

AMANDMAN V

U članu 16. dodaje se novi stav (5) koji glasi:

(5) Članovi komisije iz stava (1) tačke a) koji su predstavnici Uprave policije nemaju pravo na naknadu za rad u komisiji.

OBRAZLOŽENJE:

Smatramo da rad predstavnika Uprave policije u navedenoj komisiji ne treba biti plaćen, obzirom da se imenuju od strane policijskog komesara.

AMANDMAN VI

„U članu 39. stavu (1) poslije riječi „paralizatori“ dodaju se riječi „iz kategorija C i D“.“

OBRAZLOŽENJE:

Ovim amandmanom se usklađuju odredbe sa odredbama iz Amandmana I.

AMANDMAN VII

„U članu 75. stavu (1) riječi „1.500,00 KM“ zamjenjuju se riječima „2.000,00 KM“.

OBRAZLOŽENJE:

Smatramo da je potrebno povećati najveću moguću novčanu kaznu za prekršaje koji su navedeni u Zakonu kako bi se povećala sigurnost građana i kako bi se postrožile prekršajne odredbe. Promijenjeni broj je u skladu sa članom 22. Zakona o prekršajima FBiH („Službene novine Federacije BiH“ br. 63/14).

AMANDMAN VIII

„U članu 84. dodaju se novi stavovi (3) i (4) koji glase:

(3) Neregistrovano oružje iz stava (1) ovog člana se zadržava kod nadležnog organa do izdavanja ili odbijanja zahtjeva za izdavanje isprave o oružju.

(4) U slučaju odbijanja zahtjeva iz stava (1) ovog člana, nadležna policijska uprava postupa prema Članu 30. ovog Zakona.

U istom članu stav (3) postaje stav (5).“

OBRAZLOŽENJE:

Ovim amandmanom se postiže veća sigurnost i kontrola nad prometom oružja u Kantonu Sarajevo. Smatramo da je neophodno da nadležni organ zadrži oružje do okončanja procedure izdavanja isprave o oružju kako bi se smanjio rizik od zloupotrebe.

Obzirom da smatramo neodgovornim vraćanje oružja licu koje ne zadovoljava propisane uvjete za izdavanje dozvole, smatramo da je nužno zakonski propisati oduzimanje predatog oružja od strane takvog lica.

AMANDMAN IX

„U članu 92. stavu 1 riječi „osmog dana“ zamjenjuju se riječima „tri mjeseca“.

OBRAZLOŽENJE:

Smatramo da je za primjenu ovog Zakona neophodno donijeti niz podzakonskih akata od nadležnih institucija, pa je rok od 3 mjeseca sasvim dovoljan za takvo što. Trenutna odredba o stupanju na snagu nije u skladu sa realnim mogućnostima.


Predrag Kojović
Skupština Kantona Sarajevo
Naša stranka

